



## DIARIO DUN DESASTRE ECOLÓXICO

*Luns, 27 de abril.*

Na mina de Aznalcóllar, situada en Huelva produciuse un desastre ecolóxico. Todo comezou cando a presa dessa mina, que contiña residuos tóxicos, rompeu por causas descoñecidas verténdoos no río Agrio e Guadiamar ata chegar ó Parque Nacional de Doñana onde foron paradas por un muro de contención. Despois de pasar esta riada de residuos tóxicos, a paisaxe era desoladora, tódolos campos de cultivo e toda clase de vexetación quedou destrozada. A todo isto a ministra de medio ambiente, asegurou que o parque quedou salvado da contaminación directa.

Había denuncias por filtracións ó entorno de Doñana, que foron arquivadas fai dous anos, e por parte tamén de dous afectados que sufriron dermatite ó metérense nesas augas para rescatar dous animais, outros vecíños denunciaron ó director da presa por perdas de campos de cultivo.

O grupo ecolóxico Greenpeace enviou a Doñana o buque Miss Greenpeace para avaliar no contorno do coto os danos que está causando a avalancha tóxica.

A organización WWF/Adena calificou a riada como "unha das peores catástrofes ambientais europeas" e pediu á fiscalía que depure responsabilidades neste suceso.

Anque Doñana estea salvada dun desastre maior, as augas tóxicas diríxense á desembocadura do río Guadalquivir.

*Martes, 28 de abril.*

A ministra de medio ambiente, Isabel Tocino, declarou onte que Doñana, un dos ecosistemas emblemáticos europeos, se salvou da "riada tóxica".

O Fiscal Xeral do Estado, Xesus Cardenal, tamén quere estar informado sobre o estado do parque.

Aínda que os danos ambientais e económicos sobre os cultivos e os cauces non foron cuantificados, calcúlase que unhas 4.800 hectáreas de chan agrícola foron seriamente afectadas.

*Mércores, 29 de abril.*

Os efectos do desastre son impredecibles, incluso para dentro de trinta anos aseguraron os expertos, mentres o director

do parque advirte da filtración tóxica nas capas freáticas. A ministra segue dicindo que o parque está salvado, cando 5 millóns de metros cúbicos de material altamente tóxico se encontran no río Guadiamar. A riada tóxica chegou á desembocadura do Guadalquivir. Os efectos sobre Doñana e os 100 millóns de aves que o transitan cada ano son, aínda, impredecibles.

*Xoves, 30 de abril.*

Aparecen en Doñana as primeiras aves mortas por efecto da marea negra. Técnicos de medio ambiente recollen peixes mortos nas inmediacións do couto de Doñana. A estimación das perdas superan xa os 15.000 millóns de pesetas en cultivos e danos a unha superficie de 1.000 hectáreas.

O director da empresa mineira asume con vergüenza as responsabilidades.

*Domingo, 3 de maio.*

A partir de agora, segundo o conselleiro de industria, os residuos tóxicos serán vertidos nunha mina abandonada de Aznalcóllar. Posiblemente isto traia consecuencias graves nun futuro, segundo dixerón os ecoloxistas.

*Xoves, 7 de maio.*

Hoxe, F. Javier Torres, denuncia que a protección do parque era insuficiente.

*Domingo, 10 de maio.*

Comenzan os traballos para depura-las augas do parque. Agora o río Guadimar evoluciona cara á normalidade.

*Luns, 11 de maio.*

O director da estación biolóxica asegura que o parque estaba contaminado desde o primeiro día, e a Xunta considerounas alarmistas, as advertencias contra o paso de rocieiros.

*Mércores, 13 de maio.*

Cada vez a situación é máis desesperante, aparecen cinco cabalos mortos, por tomar auga contaminada.

Este diario témolo que cerrar, pero o desastre continua. O único que desexamos é que todo remate pronto, e poidamos esquecerlo ocurrido, sen lamentar danos irreparables.